



## NOCTURNA DO XALO III EDICIÓN

20 DE NOVEMBRO DE 2021, CASTELO (CULLEREDO)

### REGULAMENTO

1 / A asociación Castelo Deporte organiza, en colaboración co Concello de Culleredo, a Nocturna do Xalo, unha proba deportiva en dobre modalidade de carreira de montaña e andaina, que celebra a súa terceira edición.

#### 2 / DATA E LUGAR

A proba celebrarase o sábado 20 de novembro de 2021 no Monte Xalo, tendo a súa saída e a súa chegada na polideportiva de Castelo (Culleredo).

#### 3 / DEFINICIÓN

Trátase dunha carreira e dunha andaina polo Monte Xalo de 12,8 e 8,5 km. respectivamente, cunha única categoría para cada modalidade.

#### 4 / RESPONSABILIDADE COA NATUREZA

A Nocturna do Xalo promove os valores de respecto á natureza, favorecendo a conservación do monte, a súa flora e a súa fauna. Os participantes na proba deberán por esta razón empregar os contenedores de lixo dispoñibles. A organización empregará, sempre que sexa posible, material reutilizable e reciclable. Os elementos de marcaxe do percorrido recolleranse nas horas posteriores á proba, cando tamén se realizará a limpeza do monte. A comunicación en papel reducirase ao mínimo, dando prioridade aos soportes electrónicos.

#### 5 / CATEGORÍAS E HORARIOS

Carreira	Maiores de idade	12,8 km.	Saída ás 19.00 horas.
Andaina	Todas as idades	8,5 km.	Saída ás 19.00 horas

#### 6 / INSCRICIÓNS

Permanecerán abertas ata o martes 16 de novembro de 2021 ás 23.59 horas en [www.emesports.es](http://www.emesports.es); o prezo da mesma será de 15 euros. O pagamento realizarase en todo caso no momento da inscrición a través da pasarela de pagamento habilitada en [www.emesports.es](http://www.emesports.es).

#### 7 / LÍMITE DE PARTICIPACIÓN

Disporanse un total de 175 prazas para a carreira e 175 prazas para a andaina.

#### 8 / PREMIOS

Entregaranse trofeos aos tres primeiros clasificados das categorías masculina e feminina da carreira.

#### 9 / DORSAIS E CRONOMETRAXE

A carreira estará cronometrada pola empresa Emesports. Os chips de cronometraxe entregaranse aos participantes xunto co dorsal, e se poderán recoller a partir das 18.00 horas do mesmo día da proba.

#### 10 / AVITUALLAMENTOS, SINALIZACIÓN E MEDIOS OBRIGATORIOS

Tanto para a carreira como para a andaina, situarase un avituallamento líquido e sólido.

O percorrido estará sinalizado con cinta de balizaxe reflectante.

Será obrigatorio o emprego de frontais para as dúas modalidades, así como a achega dun teléfono de contacto á organización. Será obrigatorio levar ao percorrido un teléfono móbil.

#### 11 / ABANDONO OBRIGATORIO

A organización poderá parar en calquera momento a un corredor ou obrigarlle a abandonar a proba se considera que o seu estado pon en perigo a súa integridade física, a súa seguridade ou a do resto de participantes.

#### 12 / AGASALLOS

Cada participante terá acceso, coa inscrición, a unha camiseta conmemorativa, e recibirá tamén un ticket para cear na polideportiva de Castelo ao remate do evento.

#### 13 / SERVIZOS

Ademais de contar cos servizos dunha ambulancia medicalizada presente na zona de meta, os participantes estarán cubertos polo correspondente seguro de accidentes da proba.

#### 14 / RECLAMACIÓNS

As reclamacións aos resultados oficiais deberán formularse verbalmente á empresa de cronometraxe nas dúas horas seguintes ao remate da proba, ou por escrito no correo electrónico [info@castelodeporte.gal](mailto:info@castelodeporte.gal) nas vintecatro horas posteriores ao remate da proba.

#### 15 / DEREITOS DE IMAXE

Os participantes autorizan expresamente á organización e aos seus patrocinadores a empregar e publicar libremente calquera fotografía ou vídeo gravado no contexto da proba.

#### 16 / ACEPTACIÓN DO REGULAMENTO

A inscrición dos participantes está condicionada á aceptación do presente regulamento.

#### 17 / DESCALIFICACIÓN

Serán motivos de descalificación:

- Atallar ou percorrer conscientemente tramos do percorrido diferentes ao oficial
- Tirar no monte lixo de calquera tipo
- Non asistir a outro participante en dificultades
- Non pasar polos avituallamentos ou puntos de control

- Abandonar a carreira sen avisar á organización

#### 18 / SUSPENSIÓN

No caso de que polas condicións meteorolóxicas non fora posible que a proba dera comezo, a organización resérvase o dereito de suspendela, neutralizala ou modificar o seu horario, o percorrido e os avituallamentos. Neste caso non se devolverá o importe da inscrición.

No caso de suspensión da proba por causas de forza maior e cunha antelación de máis de sete días en relación á data da mesma, realizarase un reembolso parcial da inscrición, fixado en función dos gastos non recuperables pola organización.

#### 19 / MEDIDAS SANITARIAS

A organización aterase, no relativo ás medidas de prevención da COVID-19, ao disposto pola Consellería de Sanidade da Xunta de Galicia para a data de celebración da actividade.

En canto ao emprego das máscaras de protección individual, serán unicamente obrigatorias nos espazos pechados, incluída a carpa que se ubicará na polideportiva de Castelo.

Tendo en conta a situación sanitaria excepcional, non se habilitarán duchas.

#### 20 / MÁIS INFORMACIÓN

Nas webs [www.castelodeporte.gal](http://www.castelodeporte.gal), no Twitter [@castelodeporte](https://twitter.com/castelodeporte) e na páxina en Facebook de Castelo Deporte publicarase toda a información de interese sobre a proba. No correo electrónico [ola@castelodeporte.gal](mailto:ola@castelodeporte.gal) proporcionarase información adicional aos participantes.